



Број: 01,02,03,04/4-05-1-626/22
Сарајево, 19. 7. 2022.

**КОЛЕГИЈ ПРЕДСТАВНИЧКОГ ДОМА ПСБИХ
КОЛЕГИЈ ДОМА НАРОДА ПСБИХ**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINA
SARAJEVO**

PRIMLJENO: 19-10-2022

| Organizaciona jedinica | Klasifikaciona oznaka | Redni broj | Broj priloga |
|------------------------|-----------------------|------------|--------------|
| | | | |

**Predmet: Izvještaj sa sastanka Parlamentarnog odbora
Parlamentarne dimenzije Centralnoevropske inicijative,
održanog 16. i 17. maja u Sofiji, Bugarska**

Zamjenik predsjedavajućeg Delegacije Parlamentarne skupštine BiH u PDCEI Jakov Galić učestvovao je na sastanku Parlamentarnog odbora Parlamentarne dimenzije Centralnoevropske inicijative, koji je održan 17. maja 2022. godine, o temi: „Podsticanje prekograničnih istraživanja i inovacija u regionu CEI-ja“.

Sastanak koji je održan u okviru bugarskog predsjedavanja Inicijativom otvorio je Nikola Minčev, predsjednik Sobraanja Republike Bugarske, koji je rekao da bugarsko predsjedavanje nastoji promovirati konstruktivnu razmjenu mišljenja s ciljem jačanja stabilnosti, sigurnosti i konkurentnosti u regionu. Minčev je rekao da bi zajednički naponi parlamentaraca da povežu procese digitalizacije s ulaganjem u istraživanje i inovacije pomogli u smanjenju regionalnih opterećenja, udruživanju resursa i povećanju uticaja na održivi razvoj država članica CEI-ja, njihovu konkurentnost, ekonomsko i socijalno blagostanje.

U okviru rasprave zamjenik predsjedavajućeg Delegacije PSBiH u PDCEI Jakov Galić u svom obraćanju izrazio je snažnu podršku iniciranju rasprave o temi unapređenja prekogranične saradnje zemalja članica CEI-ja u oblastima istraživanja i inovacija, te naglasio da sastanak u Sofiji vidi kao značajnu priliku da se zemlje članice CEI-ja sa izazovima današnjice bore uspostavljanjem veza između naučnog napretka i industrije. Galić je rekao da parlamentarci trebaju pravovremeno donositi zakonske okvire za slobodan i nesmetan rad istraživača i inovatora, kako u regionu CEI-ja tako i u svim zemljama članicama Evropske unije. U vezi s tim, naglasio je da je zadatak svakog parlamenta usvajanje zakonodavstva koje će omogućiti brži, bolji i lakši protok dostignuća i znanja, kao i njihovu primjenu na tržištu kapitala.

Nakon razmjene mišljenja o podsticanju prekograničnog istraživanja i inovacija u regionu CEI-ja, učesnici su usvojili Zajedničku izjavu. U izjavi Odbor poziva nacionalne

parlamente i vlade da kreiraju i provode politike čiji je cilj razvoj talenata i ubrzanje tehnološkog napretka i održivosti zemalja, kao i da ulažu u istraživanje i inovacije. Predložili su da se uspostavi novi format događaja, tj. „CEI Innovates Summit“ koji bi okupio lidere u CEI inovacijskom ekosistemu.

Sastanak parlamentarnog odbora, osim predstavnika parlamenta domaćina Bugarske, okupio je poslanike iz parlamenata Albanije, Crne Gore, Češke Republike, Hrvatske, Italije, Mađarske, Moldavije, Poljske, Rumunije, Sjeverne Makedonije i Ukrajine.

Naredni događaj Parlamentarne dimenzije CEI-ja u okviru bugarskog predsjedavanja bit će u novembru 2022. godine kada će biti održana godišnja skupština PDCEI.


Izveštaj pripremila

Nataša Čabak


Sekretar Delegacije

Izveštaj odobrio

Jakov Galic


Zamjenik predsjedavajućeg
Delegacije PSBiH u PDCEI

Dostaviti:

- naslovu
- Komisiji za vanjske poslove PDPSBiH
- članovima Delegacije PSBiH u PDCEI